

МДХ мамлакатлари вазир ва ректорларининг ҚС рейтинг компанияси асосчиси ва Президенти билан биринчи учрашуви

Илм-фан ва таълимнинг ривожланиши мамлакат тараққиётини таъминлайдиган муҳим омил экани ойнадек равшан. “Ўзбекистон Республикаси Олий таълим тизимини 2030-йилгача ривожлантириш концепциясини тасдиқлаш тўғрисида”ги фармонга асосан, камида 10 та олий таълим муассасасини халқаро еътироф етилган ташкилотлар рейтинги рўйхатига киритиш бўйича ишларни амалга ошириш кўзда тутилган. Хужжатда белгиланган вазифаларни ижросини таъминлаш мақсадида пойтахтимизда ҚС дунё университетларининг глобал рейтинг баҳолаш бўйича асосчиси ва президенти Нунсио Квакварелли билан учрашув бўлиб ўтди. Илмий хизматлар марказининг асосчиси Алия Оспанова модераторлик қилиш асносида Олий ва ўрта махсус таълим вазурунинг ўринбосари Узоқбой Бегимқулов ва ТИҚХММИ ректори Ўктам Умурзаковларга сўз берди. Улар ушбу фаолиятнинг аҳамияти бениҳоя катта эканини таъкидлаб ўтдилар.



Мустақил давлатлар ҳамдўстлиги мамлакатларининг таълим вазирлари ва 200 нафардан зиёд университет ректорлари иштирок етган видеоконференсияда дастлаб дунё олий таълим муассасаларининг нуфузли ҚС рейтинг тизими ушбу рўйхатга кириш талаблари ҳақида тўхтаб ўтилди. Қайд етилишича, мазкур агентлик 1990 - йилда ташкил етилган бўлиб, олий таълим муассасаларининг биринчи рейтинги 2004 - йилда тузилган. Шундан буён ҚС жаҳондаги рейтинг агентликлар орасида йетакчилик қилмоқда, ҳозирда у таълим хизматлари бозорида раҳбар ролини белгилаб беради. Шунини қайд етиш жоизки, бу рейтинг рўйхатидан дунёнинг нуфузли олий таълим муассасалари жой олган бўлиб, ТИҚХММИ бу рейтингга киритилган республикамизда ягона университет ҳисобланади. Мулоқотлар давомида илғор олий таълим муассасаларининг глобал рақобатбардошлиги халқаро рейтингларга киришдаги асосий тўсиқлар ва минтақадаги университетларнинг ривожланиш истиқболлари масалалари муҳокама қилинди. Мазкур рейтингга кириш учун юртимиздаги олий таълим муассасаларида амалга оширилаётган ишлар ҳақида маълумотлар берилди.



Шунингдек, тадбирда юртимизда олий таълим муассасаларни халқаро рейтингга кириш стратегиясидаги муҳим жиҳатлари муҳокама қилинди, бу борадаги халқаро рейтинг агентликлари тажрибаси кўриб чиқилди. Жумладан, маҳаллий олимларнинг халқаро илмий журналларда иштирокини ошириш ва халқаро маълумотлар базасида улардан иқтибос келтиришларни кўпайтиришга еътибор қаратиш кераклиги, чунки бу рейтингни шакллантирувчи асосий илмий маълумотлар эканлиги алоҳида еътироф етилди.

ТИҚХММИ матбуот хизмати